

Nov 3, 2008

香港網絡上個案 2

原文: [http://blog.yahoo.com/\\_RHNHY4RC4TBSAI7W523XDA7MHY/articles/55870](http://blog.yahoo.com/_RHNHY4RC4TBSAI7W523XDA7MHY/articles/55870)

淺色左喎

2008 年 11 月 3 日下午 12:54

Spiderman 終於都脫完皮啦(脫皮篇)



佢冇晒事我地就開心晒啦!!



不過佢既色水淺色左好多,冇以前咁紅



可能我地又比唔夠紅蘿蔔佢食啦!!

觀察左佢一排,我地都擺返佢去大缸一齊同大紅佢地生活啦!!

佢唔洗做一隻孤獨蟹仔啦!!





## 脫皮前照片：

原文：[http://blog.yahoo.com/\\_RHNHY4RC4TBSAI7W523XDA7MHY/articles/55819](http://blog.yahoo.com/_RHNHY4RC4TBSAI7W523XDA7MHY/articles/55819)

## 我係 Spiderman

2008 年 9 月 9 日下午 12:38

似唔似蜘蛛俠個蜘蛛網呢?? 🤔



打橫睇下... 🤔



係另一隻紅草莓寄居蟹呀 😊



我叫佢做...Spiderman!!! 😊



佢好細隻,但係就好靈敏,動作好快,仲快過大紅呀 🤖



係我帶 Spiderman 返屋企 0 個晚,之前另一隻灰白既米高已經去左彩虹橋啦!!人地話...原來灰白寄居蟹係最難養,好易死架嘞!!估唔到米高只係我屋企住左唔夠一個月就離開左啦!! 🤖



原文: [http://blog.yahoo.com/\\_RHNHY4RC4TBSAI7W523XDA7MHY/articles/55858](http://blog.yahoo.com/_RHNHY4RC4TBSAI7W523XDA7MHY/articles/55858)

## 被肢解??

2008年10月22日上午12:40

前幾晚去完街返到屋企,第一時間就梗係安撫下忌廉同蘑菇兩個小朋友先啦,第二樣做既就係去睇下我 d 蟹仔!!

點知一睇,點解係個大缸入面幾隻蟹仔圍住一堆野既呢??我一睇...

點解下面呢 d 野咁似我食既大閘蟹 d 手手腳腳既呢???

之後就好快回返魂...唔係呀!!!係有隻蟹仔比其他既蟹仔打交打輸左被佢地肢解左!!!



之後我就再數下佢地,又望下到底係邊隻咁慘,原來係我最愛既 Spiderman 呀!!!

我大叫左出黎,同艾雲講... 'Spiderman 好慘呀,比佢地唔知邊個打死左,仲要肢解埋佢,死得好慘!!' 我 0 個刻已經好想喊呀!!

艾雲去拎 Spiderman 個殼再睇真 d,原來係佢脫皮呀!!!

咁即係 d 肢解既手手同腳腳係佢甩既皮呀!!

\*\*蟹仔係脫皮既時候,身體係好脆弱好軟架,仲可能會比其他既蟹仔攻擊!!真係好好彩,spiderman 有事呀!!

艾雲即刻拎佢一早預備比蟹仔脫皮時要用既隔離缸仔比 spiderman,仲比多幾個大 d 既殼佢換添!!仲擺返佢既手手腳腳係佢側面等佢自己再食返!!



你地睇下,spiderman 甩左皮之後,仲可以匿返入原本既殼,不過佢既顏色係比未甩皮之前淺色好多,仲帶有小小透明架!!



想再睇下 spiderman,你地去 [Spiderman 脫皮復活篇](#)